



Direktoratet for mineralforvaltning
med Bergmeisteren for Svalbard

Adresseinformasjon fylles inn ved ekspedering.
Se mottakerliste nedenfor.

Dato: 09.07.2018
Vår ref: 15/00083-13
Deres ref:

Tildeling av driftskonsesjon etter minerallova for Bruddet i Fjaler kommune. Tiltakshavar: Geir Sande AS

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00

E-POST mail@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG.NR. NO 974 760 282

SVALBARDKONTOR

TELEFON +47 79 02 12 92

1. Konsesjonen

Direktoratet for mineralforvaltning med Bergmeisteren for Svalbard (DMF) viser til søknaden om driftskonsesjon datert 28.12.2014 fra Geir Sande AS med org. nr. 997 897 935. GeirSande AS med org. nr. 997 897 935, heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av mineralske ressursar i Bruddet på del av eide domen gnr./bnr. 103/1 i Fjaler kommune. Mineralførekomenstn hører til kategorien mineral som grunneigaren eig.

Konsesjonsområdet har eit areal på kring 14 daa og går fram av kart i vedlegg 1.

I arealdele av kommuneplanen er området øyremerket til LNF-føremål.

DMF gjør oppmerksam på at ein driftskonsesjon gitt i medhald av minerallova ikkje erstattar krav om løyve, godkjenning, arealplan eller konsejon etter anna lovgjeving. Tiltakshavar er ansvarleg for å innhente andre nødvendige løyve.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.

DMF kan krevje ny oppmåling og at ajourførte kart og profilar skal sendast inn når DMF finn det nødvendig.



2.2. Økonomisk sikkerheit

Tiltakshavaren blir pålagd å stille økonomisk sikkerheit med NOK 400 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 300 000, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Innan 2 månader etter datoen på dette konsesjonsvedtaket skal Tiltakshavaren ha:

- (i) inngått ein avtale om finansiell sikkerheit med DMF, sjå vedlegg 2.
- (ii) lagt fram påkravsgaranti frå bank som DMF vurderer som tilfredsstillande, sjå vedlegg 3.
- (iii) etablert pantet til fordel for DMF, jf. pantelova §§ 4-4 til 4-6, sjå vedlegg 4.

2.3. Bergteknisk ansvarleg

DMF har registrert Geir Sande som bergteknisk ansvarleg for Bruddet. Det skal utan grunnlaust opphold sendast skriftleg melding til DMF om alle skifte av bergteknisk ansvarleg for eit uttak.

2.4. Andre vilkår

Konsesjonsgrensa for massetaket skal setjast ut eller markerast i terrenget på ein slik måte at den er lett synleg gjennom heile driftsperioden.

3. Godkjenning av driftsplan

DMF godkjenner driftsplanen for Bruddet. Den godkjende versjonen av driftsplanen ligg ved dette konsesjonsvedtaket, sjå vedlegg 5.

4. Høyring

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Fjaler kommune, Sogn og Fjordane fylkeskommune, Fylkesmannen i Sogn og Fjordane, Norges vassdrags- og energidirektorat (NVE), Statens vegvesen og andre rørte partar.

Høyringsperioden var frå 05.01.2018 til 02.02.2018.

DMF har motteke høyringsfråsegn frå Statens vegvesen, Norges vassdrags- og energidirektorat (NVE) og Fjaler kommune.

Frå høyringsfråsegnene har DMF særleg merkt seg dette:

Statens vegvesen

Attgjeving av vesentlege delar av Statens vegvesen sitt høyringsfråsegn:



«Uttale

Det omsøkte masseuttaket har tilkomst frå fylkesveg 57, og me har difor sett nærmare på avkøyrselstilhøva. Den frie sikra i avkøyrsla er god i retninga vest, medan den er kring 80 – 90 meter i retning aust. Der er svært viktig at eigar og brukar av avkøyrsla etterstrevar å oppretthalde sikt då sikta i retning aust ligg på eit minimum i dag.»

DMF sin kommentar

DMF gjer Tiltakshavar merksam på høyningsfråsegna frå Statens vegvesen, og føresetjar at Tiltakshavar opptrer på ein forsvarleg måte for å ta omsyn til trafikksikkerheita langs fylkesveg 57. Ut over dette tek DMF Statens vegvesen sitt høyningsfråsegn til etterretning.

Norges vassdrags- og energidirektorat (NVE)

Ein attgjeving av vesentlege delar av NVE sitt høyningsfråsegn:

«Like nord for uttaksområdet renn ei mindre elv. NVE legg til grunn at det ikkje vert gjort inngrep i elva og at vegetasjonsbeltet, jf. vassressurslova §11, ikkje vert fjerna.

Dersom vi tolkar søknaden rett skal det takast ut stein ned til kote 80. Det vil i så fall etter avslutta uttak bli etablert eit område som ligg lågare enn kringliggende terreng. Dette vil då kunne fungere som eit vassbasseng med forsyning av regnvatn og grunnvatn frå myra i aust. I verste fall kan ein større flaum i elva fylle uttaksområdet dersom flaumen overtoppar kanten langs elva. Vi rår til at det vert teke omsyn til denne problemstillinga. Uttaket bør i minst mogeleg grad påverke vasstraumane i området og vatn som kjem inn i uttaksområdet må leia mest mogeleg kontrollert attende til elva utan å føre ureining med seg. Det bør settast vilkår om at uttaksområdet vert sikra mot flaum. Slik sikring må etablerast utan å skade kantvegetasjon.»

DMF sin kommentart til høyningsfråsegnet

DMF har i etterkant av høyningsfråsegna til NVE vært i kontakt med Tiltakshavar angåande sikring mot flaum i området. Tiltakshavar har vært i kontakt med både DMF, Fjaler kommune og NVE, og har vidare innsendt informasjon i tilknyting til flaumproblematikken i området.

Fjaler kommune har vore på synfaring i uttaksområdet den 15.03.2018. Fjaler kommune merkar at det truleg ikkje er behov for omfattande flaumsikringstiltak i området. Kommunen merkar vidare at ein stor del av uttaksområdet er avslutta, deler av uttaksområdet er ikkje teke ut ned til kote 80, og at det er ikkje tenkt uttak ned til kote 80 i det området som allereie er teke ut.

DMF har oppmoda NVE om å innsende eit ytterlegare høyningsfråsegn basert på opplysingane frå Tiltakshavar.

Ein attgjeving av vesentlege delar av NVE sitt supplerande høyningsfråsegn:

«Vi syner til brev datert 23.03.2018. Saka gjeld søknad om driftskonsesjon for Bruddet i Fjaler kommune. Søknaden kjem no på ny høyring til oss på bakgrunn av nye opplysningar frå søker.



NVE gav fråsegn til søknaden i brev datert 08.02.2018. I fråsegna peika vi mellom anna på at vassstraumar som kjem inn i uttaksområdet må få utlaup og leiaast kontrollert attende til elva utan å føre ureining med seg. Vi sa også at det bør settast vilkår om at uttaksområdet vert sikra mot flaum.

Vår uttale var basert på opplysningene i søknaden, og studie av kartgrunnlag. NVE har ikke høve til å reise på synfaring i samband med slike høyringssaker. Vår rolle i desse sakene er ikke å dokumentere om det til dømes er flaumfare eller ikke, men å peike på problemstillingar som ein bør ta omsyn til/vurdere. Dei problemstillingane som vi tok opp knytt til drenering av uttaksområdet, kontrollert tilbakeføring av vatn til vassdraget, og at flaum i elva ikke må få ta vegen gjennom uttaksområdet held vi fast på.

Tiltakshavar meiner at flaumsikring er eit urimeleg krav fordi det ikke er fare for at flaum i elva kan gå innover uttaksområdet. Han peikar også på at drenering er etablert tilbake til elva.

Dersom det er slik at det ikke ligg føre fare for at flaum frå elva kan ta vegen gjennom uttaket er vi samde med tiltakshavar i at krav om å etablere flaumsikring er urimeleg. Med formuleringa «Det bør settast vilkår om at uttaksområdet vert sikra mot flaum» kan det sjå ut som om NVE har vurdert det slik at det er flaumfare, og at det må etablerast ei flaumsikring. Det er ikke tilfelle. Vi seier oss leie for at vi formulerer oss slik at dette kan misforståast.»

DMF sin kommentar

DMF gjer Tiltakshavar merksam på NVEsitt høyringsfråsegn. DMF føresetjar at Tiltakshavar driv i samsvar med vannressurslova, her under kravet til vegetasjonsbelte i lovens § 11 og aktsemndsplikta i lovens § 5. NVE, fylkesmannen og kommunen er vassdragsmyndighet på regionalt og lokalt nivå.

DMF viser vidare til byggteknisk forskrift (TEK17) sine generelle krav om sikkerhet mot naturpåkjenninger, her under sikkerhet mot flom og storflo. DMF føresetjar at Tiltakshavar etterlever nemnde forskrift. DMF oppfordrar og til tett og konstruktiv dialog mellom Tiltakshavar, Fjaler kommune og NVE for å ta omsyn til flaumfarene i området. Ut over dette tek DMF NVE sitt høyringsfråsegn til etterretning.

Fjaler kommune

I høyringsfråsegna viser Fjaler kommune først til planstatusen for området. Kommunen opplyser om at det ikke er utarbeidd reguleringsplan for området, og at området er avsett til LNF-føremål i gjeldande arealdel. Kommunen viser vidare til at eksisterande drift og tiltak er godkjent som byggesak. Det opplystes vidare om at kommuneplanens arealdel er under revisjon, og at området vert vurdert avsett til råstoffutvinning. Fjaler kommune uttalar vidare følgjande:

«De ber kommunen opplyse om tiltaket påverkar miljøet, mellom anna naturmangfold, kulturminne og forureining. Det er ingen kjende registreringar av natur-, friluftsliv- eller kulturminneinteresser i området, med unntak av at området ligg innanfor grensa for Flekke- og Guddalsvassdraget som er verna vassdrag. Det er gitt løyve til eksisterande drift og tiltak og masseuttak er ikke vurdert til å vere i konflikt med vernegrunnalget for vassdraget. Det går ei elv



nord for området som det må takast omsyn til ved drift av bruddet, ved at kantvegetasjonen vert ivaretaken og at det ikkje vert gjort inngrep i elva.»

DMF sin kommentar

DMF gjer Tiltakshavar merksam på Fjaler kommune sitt høyningsfråsegn. Kva angår omsynet til bekken ved uttaksområdet, viser DMF til vannressurslova, her under lovens § 11 om krav til vegetasjonsbelte og § 5 om aktsemdsplikta til Tiltakshavar. DMF føresetjarat Tiltakshavar driv i samsvar med vannressurslova og lovens krav om vegetasjonsbelte. Ut over dette tek DMF Fjaler kommune sitt høyningsfråsegn til etterretning.

5. DMF si vurdering

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnmessig prøving før det blir avgjort om det skal gjevest driftskonsesjon. I vurderinga av om det skal gjevest driftskonsesjon skal det leggjast vekt på om søkeren er "skikka" til å utvinne førekosten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekosten. I vurderinga av om det skal gjevest driftskonsesjon skal det også leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjør kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevest konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhøyrar kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekosten. Tiltakshavaren har i søknadsprosessen lagt fram ein avtale med grunneigaren for gnr./bnr. 103/1 i Fjaler kommune som dokumentasjon for utvinningsrett.

DMF vurderer at avtalen gjev Tiltakshavaren utvinningsrett til førekosten på det området det er søkt om konsesjon for i avtaleperioden.

5.2 Arealstatus for tiltaket

Konsesjonsområdet har eit areal på kring 14 daa og går fram av kart i vedlegg 1.

I arealdelen av kommuneplanen er området øyremerk til LNF-føremål.

5.3 Økonomien i prosjektet



DMF har vurdert årsrekneskapen med styret si årsmelding og notar for dei siste 2 åra før søknadstidspunktet. DMF har vidare gjort ei vurdering av verksemda si noverande økonomiske situasjon. På grunnlag av opplysningane som er gjevne vurderer DMF bedrifa som økonomisk skikka.

5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomensten innanfor arealet på 14 dekar som søknaden gjeld. Det totale volumet fast fjell som skal takast ut er estimert til 40 000 m³. Det årlege uttaket vil variere med marknaden, men det planlagde uttaket per år er 3 000 – 5 000 faste m³. Det er planlagt drift i 2 etappar. Utdrivne område som ikkje trengst i den vidare drifta, skal setjast i stand fortløpende. Det blir òg presentert ein plan for sikring og avslutting.

Etter DMF si vurdering kan den vedlagde versjonen av driftsplan for Bruddet godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjonar eller andre endringar i føresetnadene for drifta, til dømes geologiske og kvalitetmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

5.5 Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksem.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6 Kva kompetanse søkeren har til å drive førekomensten



I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Geir Sande som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Etter DMF si vurdering har Tiltakshavaren tilstrekkeleg kompetanse til å drive førekomsten.

5.7 Miljøkonsekvensar av utvinninga

I vurderinga av om det skal gjevest driftskonsesjon skal det leggjast vekt på omsynet til miljøet og kulturminne.

Det finst ikkje ein reguleringsplan for området.

Biologisk mangfald – vurdering etter naturmangfaldlova

Naturmangfaldlova § 7 pålegg alle offentlege instansar som tek avgjelder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyringsfråseigner og eigne søk i naturbase og artskart (gjennomførte den 03.05.2017) erlagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Oppsummering av kunnskapsgrunnlaget:

DMF har ved søk i naturbase og artskart ikkje gjort funn av verken prioriterte eller trua artar eller utvalde eller trua naturtypar i konsesjonsområdet. Det ligg et vernavassdrag med namn «Guddalvassdraget» nord for konsesjonsområdet.

Etter DMF si vurdering vil slikt uttak av massar som det er sökt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Naturmangfaldlova § 10

Etter naturmangfaldlova § 10 skal den samla belastinga på økosystem og naturmangfaldet i regionen vurderast. Uttaksområdet er omkransa av skog. DMF vurderer at arealbeslaget i stor grad allereie er gjort i samband med tidlegare anleggsaktivitet. Massetaket førar til anleggsaktivitet så lenge uttaket går på. Veger og landbruk vurderast å bidra til den samlande belastninga.

DMF si konklusjon

DMF har kome til at det ikkje finst avgjerande moment som talar mot å gi konsesjon.

Konsekvensar av tiltaket for kulturminner



DMF har ved søk i naturbase ikkje gjort funn av freda kulturminna i konsesjonsområdet. DMF minner likevel om den generelle varslingsplikta etter kulturminnelova § 8.

Forureining

Massetaket kan føre til partikkelflukt til vatn og luft, med potensiale for påverknad av vatn- og luftmiljø. Effektane på vassdrag kan vere tilslamming og generelt forverra kvalitet på vatn.

Forureining i form av støv og støy og utslipps til vatn regulerast av forureiningsforskrifta kapittel 30. DMF minna om meldeplikta til forureiningsmyndigheita ved oppstart eller endringar/utvidingar av verksemda.

5.8. Tilhøvet til omgjevnadene og dei nærliggjande områda under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr. Det går fram av driftsplanen at tilkomstvegen inn til brotet er sikra med låst bom ved bru over elva. Det opplysa vidare om at det ikkje er allmenn ferdsel eller beitedyr i området. Det er vidare ingen andre tilkomstvegar til brotet, og da elva utgjerei naturleg stengsle, er det ikkje sett opp anna gjerde.

DMF har kome til at tilhøvet til omgjevnadane om dei nærliggjande område under drift ikkje er avgjerande moment som talar mot å innvilge konsesjon. DMF viser til høringsfråsegnar frå NVE knyta til flaumproblematikken i området, og føresetjar at Tiltakshavar etterlev vannressurslova og byggteknisk forskrift (TEK17).

5.9 Kva tiltaket får å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga: sand, grus, pukk og leire (byggjeråstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg. Tiltakshavar opplyser i søknaden at førekomensten, som består av ein sedimentær bergart, skal nyttast til entreprenørverksemd.

5.10 Langsiktig planlegging for etterbruk eller tilbakeføring av området

Det går fram av driftsplanen at i etappe 1 skal uttaksområdet planerast med fall vestover. I den sørlege delen av etappe 1 skal det vere ein naturlig helling på 45 grader mot fjellet. Mot aust avsluttast etappen mot myrområdet.

Det går vidare fram av driftsplanen at etappe 2 vert avslutta mot eksisterande terrenget mot vest og nord. Skjeringa mot aust vert sikre undervegs med steinblokkar. Pallhøgdane vert på ca. 10 meter. Etappe 3 skal vidare avsluttast mot terrenget i nord, mot tilkomstveg i nordaust og skal vidare tilpassast uttak i søraust. Pallhøgdar vert her ca. 8 meter.

Det vert vidare veklagt plan for fall frå terrenget langs elv til terrenget mot vest for å hindre eventuell avrenning til vassdraget. Ved avslutta uttak skal det ikkje stå att fjellskjeringar. Tilpassing i yttergrensa vert vidare utført undervegs og jordkledd. Resterande uttaksområde skal fortsatt vere planert og skal ikkje dekkast med jord.



Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.

Tiltakshavar føreslår binding av maks kr 100 000, ved bruk av eigne maskinar og utstyr.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings- og oppryddingsplikt.

Forslaget er godt under DMF sine erfaringstal for tilsvarande uttak. Det er blant anna ikkje tatt tilstrekkeleg høgde for massehandtering og arrondering, beplanting/tilsåing og fjerning av avfall og skrot. I tillegg er det ikkje tatt tilstrekkeleg høgde for indirekte kostnadars, slik som konsulenttenester og upårekna kostnadar.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 400 000 for å sikre at naudsynte sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på kor komplekt uttaket er, massetype, potensiell forureiningsfare, underjords- eller dagbrottsdrift, plassering og lokale tilhøve. DMF har også lagt vekt på sine eigne erfaringstal for tilsvarande uttak, med tillegg for eksterne og uventa kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.

Bankgaranti – oppstartsfase

DMF vurderer det som naudsynt at Tiltakshavaren, innan 2 månader etter datoен då konsesjonsvedtaket bleigjort, stiller ein bankgaranti som DMF vurderer som tilfredsstillande som påkravsgaranti for eit beløp på NOK 300 000. Dette er naudsynt for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:



- (i) Etter utløpet av Tiltakshavaren sin frist for å utføre naudsynte sikrings- og oppryddingstiltak som DMF godtek;
- (ii) Ved konkurs, opphør eller anna avvikling av Tiltakshavaren si verksemde; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldande etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 300 000. Når beløpet på bankkontoen har nådd NOK 300 000, ellertidlegare etter skriftleg samtykkje frå DMF, fell plikta til bankgaranti bort.

Individuell avsetjing, avsetjingsperiode og storleiken på avsetjinga

Deretter skal Tiltakshavaren setje inn midlar på bankkontoen årleg fram til totalbeløpet på NOK 400 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 4,00 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på ca. 10 år, det vil seie ca. NOK 40 000 per år. I søknaden er det rekna med eit uttak på 10 000 tonn/år, noko som gjev ei årleg avsetjing på NOK 4,00 per tonn.

Innbetalinga for masseuttaket må vere avsett innan 1. februar året etter.

5.11.3. Rapportering og dokumentasjon

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det naudsynt at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal Tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal Tiltakshavaren utarbeide ein rapport og sende den til DMF utan grunnlaust opphold.

DMF kan òg ha behov for meir rapportering og dokumentering enn det som er skildra over, og finn det difor naudsynt å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

Dersom det blir endringar i krava til sikkerheit pliktar Tiltakshavaren å stille med ny påkravsgaranti og/eller signere en pantsettingserklæring som skal sendast banken, og



ingå ein ny avtale om finansiell sikkerheit dersom denne skal bestå av anna enn bankgaranti aleine.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drifta er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekjoms av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdraging av utvinningsretten.

7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF.

Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd

Drifta skal utførast med varsemd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til:

- at drifta er teknisk forsvarleg og tek omsyn til arbeidstakrarar, nærliggjande bygningar og omgivnadene elles
- at førekjomsen blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan



Rapportering

Tiltakshavaren skal sende årleg driftsrapport til DMF via «Min side» på dirmin.no.

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar. Etter forvaltingslova § 18 og 19 har partane i saka rett til å sjå saksdokumenta.

Med helsing

Maria Lauritzen
seksjonsleiar

Odd-Arne Eidsmo
rådgjever

*Dokumentet er elektronisk signert og har difor ikkje handskrivne signaturar.
Sakshandsamar: Odd-Arne Eidsmo*

Vedlegg:

KONSESJONSOMRÅDE FOR BRUDDETI FJALER KOMMUNE.pdf
AVTALE OM FINANSIELL SIKKERHETSSTILLELSE.docx
PÅKRAVSGARANTI.docx
PANTSETTELSESERKLÆRING FOR ENKLE PENGEKRAV.docx
GODKJENT DRIFTSPLAN FOR BRUDDET I FJALER KOMMUNE.pdf

Mottakarar:

Geir Sande AS	Flekke	6968 FLEKKE
---------------	--------	-------------

Kopi til:

Fjaler kommune	Postboks 54	6961 DALE I SUNNFJORD
Sogn og Fjordane fylkeskommune	Fylkeshuset, Askedalen 2	6863 LEIKANGER
Fylkesmannen i Sogn og Fjordane	Njøs av. 2	6863 LEIKANGER
Norges vassdrags- og energidirektorat Region vest	Naustdalsvegen 1B	6800 FØRDE
Statens vegvesen Region vest	Postboks 43	6861 LEIKANGER
Geir Audun Sande		6968 FLEKKE
Turid Kirsten Kristensen	NORDALVEGEN 82	4250 KOPERVIK